

REGLUGERÐ

um breyting á reglugerð nr. 169/1970 um söluskatt með síðari breytingum.

1. gr.

Lokamálsliður 1. mgr. 12. gr. reglugerðarinnar orðist svo:

Tekur gjaldskyldan til gjafa, sýnishorna og annarra þess háttar muna.

2. gr.

14. tl. 13. gr. orðist svo:

Sala á fasteignum, skipum, loftförum og loftfaravarahlutum. Sala og smíði á nýjum skipum er undanþegin söluskatti og innheimtir skipasmíðastöð því ekki söluskatt úr hendi kaupanda eða eiganda skips. Undanþága þessi nær þó ekki til skemmtibáta.

3. gr.

18. tl. 13. gr. orðist svo:

Sala skipasmíðastöðva og annarra viðgerðaraðila á efni og vélavinnu til skipaviðgerða. Á þetta við um efni og vélavinnu til viðgerða á bolum skipa, föstum vélum, tækjum og munum, sem telja má venjulegt fylgifé skipa. Undanþágan tekur aðeins til sölu á efni, sem viðgerðaraðilar vinna sjálfir úr, og skulu þeir með reikningum sínum staðfesta notkun efnisins eða vélavinnunnar við skipaviðgerðina.

4. gr.

19. tl. 13. gr. orðist svo:

Þegar efni til skipaviðgerðar er keypt hjá verslunum eða öðrum aðilum, sem ekki annast úrvinnslu þess eða niðursetningu um borð í skip er heimilt að endurgreiða eigendum eða umráðamönnum skips söluskatt af hinu keypta efni. Sama á við um söluskatt sem greiddur er við innflutning skipseiganda sjálfs á efni eða varahlutum til skipaviðgerða. Slík endurgreiðsla er þó því aðeins heimil, að greiddur söluskattur vegna efnis nemi a. m. k. 25 000 kr. við einstaka samfellda viðgerð. Endurgreiðsla á söluskatti kemur því aðeins til greina að reikningar þeir sem farið er fram á endurgreiðslu á beri það greinilega með sér að söluskattur hafi verið greiddur. Umsókn skipseiganda um endurgreiðslu skal fylgja staðfesting Siglingamálastofnunar ríkisins á notkun efnis til skipaviðgerða. Skipseigandi sem fær endurgreiðslu skv. þessum tl. skal tilgreina endurgreiddan söluskatt sérstaklega á skattframtali sínu eða í gögnum með því.

5. gr.

2. mgr. 2. töluliðs 14. gr. falli niður.

6. gr.

Reglugerð þessi, sem sett er samkvæmt heimild í lögum nr. 10/1960 um sölu-skatt, öðlast gildi þegar í stað.

Fjármálaráðuneytið, 18. júlí 1978.

Matthías Á. Mathiesen.

Arni Kolbeinsson.